



*Շրջակա միջավայրի նախարարության
«Հիդրոդերևութաբանության և մոնիթորինգի կենտրոն» ՊՈԱԿ*

ԱԳՐՈՇԵՐՆՎՈՒԹԱԲԱՆԱԿԱՆ

ՏԵՂԵԿԱԳԻՐ

2025


Նոյեմբերի առաջին տասնօրյակ

Տեղեկագիրը կազմել է ագրոդերևութաբանության բաժինը՝ մասնագիտացված ագրոդերևութաբանական կայաններից ստացված տեղեկատվության հիման վրա:

Տեղեկագրի պատասխանատու՝ տնօրենի տեղակալ Գ. Մուրենյան

ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Նոյեմբերի առաջին տասնօրյակում օդի միջին ջերմաստիճանը հանրապետության շրջանների զգալի մասում նորմայից բարձր է եղել 1-2 աստիճանով:




Տասնօրյակի ամենաբարձր ջերմաստիճանները դիտվել են նոյեմբերի 8-ին, 9-ին. Տավուշում գրանցվել է $+21...+23^{\circ}\text{C}$, Վայոց ձորի լեռնային շրջաններում՝ $+15...+17^{\circ}\text{C}$, նախալեռնային շրջաններում՝ $+19...+21^{\circ}\text{C}$, Սյունիքի հովտային շրջաններում՝ $+25...+27^{\circ}\text{C}$, նախալեռնային շրջաններում՝ $+20...+23^{\circ}\text{C}$, Շիրակում՝ $+15...+18^{\circ}\text{C}$, Կոտայքի լեռնային շրջաններում՝ $+14...+16^{\circ}\text{C}$, նախալեռնային շրջաններում՝ $+16...+18^{\circ}\text{C}$, Գեղարքունիքում՝ $+15...+18^{\circ}\text{C}$, Լոռիում՝ $+20...+24^{\circ}\text{C}$, Արմավիրում, Արարատում՝ $+20...+22^{\circ}\text{C}$, Արագածոտնի լեռնային շրջաններում՝ $+14...+17^{\circ}\text{C}$, նախալեռնային շրջաններում՝ $+15...+17^{\circ}\text{C}$ (Աշտարակ՝ $+21^{\circ}\text{C}$) :

Տասնօրյակի ամենացածր ջերմաստիճանները դիտվել են նոյեմբերի 1-ին և 3-ին. Տավուշում գրանցվել է $+1...+3^{\circ}\text{C}$ (Դիլիջան՝ -2°C), Վայոց ձորի լեռնային շրջաններում՝ $-2...-4^{\circ}\text{C}$, նախալեռնային շրջաններում՝ $-1...+1^{\circ}\text{C}$, Սյունիքի հովտային շրջաններում՝ $+4...+6^{\circ}\text{C}$ (Կապան՝ $+2^{\circ}\text{C}$) նախալեռնային շրջաններում՝ $0...-2^{\circ}\text{C}$ (Սիսիան՝ -8°C), Շիրակում՝ $-3...-6^{\circ}\text{C}$ (Աշոցք՝ -9°C), Կոտայքի լեռնային շրջաններում՝ $-4...-6^{\circ}\text{C}$ (Ֆանտան՝ 0°C), նախալեռնային շրջաններում՝ $-1...+1^{\circ}\text{C}$, Գեղարքունիքում՝ $-3...-8^{\circ}\text{C}$ (Սևան՝ $+0.8^{\circ}\text{C}$, Շորժա՝ $+1^{\circ}\text{C}$), Լոռիում՝ $-4...-7^{\circ}\text{C}$ (Օձուն՝ 0°C), Արմավիրում՝ $-1...-3^{\circ}\text{C}$, Արարատում՝ $-1...+2^{\circ}\text{C}$, Արագածոտնի լեռնային շրջաններում՝ $-4...-6^{\circ}\text{C}$, նախալեռնային շրջաններում՝ $+1...+3^{\circ}\text{C}$:

Տասնօրյակի ընթացքում հանրապետությունում տեղումներ չեն դիտվել:










Հողի մակերևույթի նվազագույն ջերմաստիճանները գրանցվել են նոյեմբերի 3-ին. լեռնային շրջաններում՝ $-3...-8^{\circ}\text{C}$ (Գավառ՝ -10°C), նախալեռնային և հովտային շրջաններում՝ $-2...+2^{\circ}\text{C}$:



Հողի արդյունավետ խոնավության պաշարներն անցյալ տասնօրյակի համեմատ նվազել էին 3-5%-ով: Լեռնային շրջաններում հողի 20սմ խորության վրա կազմել են 10-25%, նախալեռնային շրջաններում՝ 15-25%, հովտային շրջաններում՝ 15-30%: Հողի 40սմ խորության շերտում լեռնային շրջաններում կազմել են 15-25%, նախալեռնային շրջաններում՝ 17-30%, հովտային շրջաններում՝ 15-35%:



Վեգետացիոն ինդեքսի ընթացիկ ընթացքն անցյալ տարվա և բազմամյա միջինի համեմատ





Մշակաբույսերի աճն ու զարգացումը

Տասնօրյակի ընթացքում աշնանացան ցորենի վեգետացիան ամենուրեք շարունակվել է:

Լեռնային և նախալեռնային շրջաններում աշնանացանը շարունակվել է գտնվել թփակալման և հանգուցային արմատների առաջացման փուլերում, հովտային շրջաններում այն ծլել է, տեղ-տեղ առաջացել է երրորդ տերևը:

Դաշտերում և այգիներում շարնունակվել է ծառերի տերևների գունաթափումը և տերևաթափը: